

CICIKOANBÁDIEGU

BULICINA FASO

Ti baa dógú pò, li yaa dàni kúuma, ti baa paadí

GUFENEMA MASOAGINDO

BÀALÓ KOANBÁLA TÁÁNLI
JÁGA DOAGIDIMA

(PP-G N°025-2026)

Pengidiwende Silibeedi WEDIRAWOGO

Wagidugu, li binli 2026 cillele dana 30

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, cilele dana 30, alaamuda daali
ki cili leerì 9 yogunu ki ban gbeni leerì 12 leni miniti 40,
Kapitenni Ibirayimi TARAWARE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I.A JÁGA

I.1. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

A Koanbála Táánli tàà **másienkààma piiga n tila (12)**.

Mi másienkààma tikpiali tie ki waani a danbogida leni ku màásùàgu bátièba coali tili nni yaa làabáali n baa yaa ye.

Li tie yaa másienkààma tili n baa teni li báli máama n°002-2026/ALT, yaama n den taa li binli 2026, cile dana 14 ki waani a danbogida leni ku màásùàgu bátièba mábilikààma n yaa ñòà nani lan bili màamà.

A danbogida leni ku màásùàgu bátièba coali tili cilima tuugi leni bonla lie yaala n tugi yùli ki go tie tiladi: li baa teni ban bàà mi diema nni a danbogida leni ku màásùàgu bátièba pó yaa tili n waani ban dini yaa bádièba coali n dani màamà ke li ñoadi nani li báli máama n bili màamà ki gó ñanbi ki kubi yaa làabáali n ye bi bátièba pó, ki yaa bààdi yaa làabáali n mòani ki tuugi leni a danbogida leni ku màásùàgu bála dinma, bála sienma bi bála luoma. Li baa go todi ban yen bàà ki coadi laa bátièba ke li dagidi.

Laa másienkààma tili tààma baa teni mi diema n bàà a danbogida leni ku màásùàgu bátièba coali tili.

Mi másienkààma tilieli waani Bàaló tenma bi tuonsoanba, ti tiadi leni i ligi Meerinba nni ku màásùàgu, yanluadi goada, u nuu tuonsoanbanma, ku gbanansaagu jeliti leni li lenli tuona n baa ñoadi yaa sanbila.

Li tie yaa másienkààma tili n baa teni li báli máama n°024-2025/ALT yaama n den taa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima po ku màásùàgu, yanluadi goada, u nuu tuonsoanbanma, ku gbanansaagu jeliti leni li lenli tuona soanma po.

Mi másienkààma titaali waani Bàaló tenma bi tuonsoanba, ti tiadi leni i ligi Meerinba nni o nisaalo n naani nni yaala nni, mi dogimatiema tuadiñama findima nni, bi niba guunli nni leni mi ninñigbadima tuona soanma po n baa ñoadi yaa sanbila.

Li tie yaa másienkààma tili n baa teni li báli máama n°024-2025/ALT yaama n den táa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima po o nisaalo n naani nni yaala nni, mi dogimatiema tuadiñama finma nni, bi niba guunli nni leni mi ninñigbadima tuona soanma po.

Mi másienkààma tinaali waani Bàaló tenma bi tuonsoanba, ti tiadi leni i ligi Meerinba nni li laafiali leni ku ñangu tuona soanma n baa ñoadi yaa sanbila.

Li tie yaa másienkààma tili n baa teni li báli máama n°024-2025/ALT yaama n den táa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima po li laafiali leni ku ñangu tuona soanma pó.

Mi másienkààma timuuli waani Bàaló tenma bi tuonsoanba, ti tiadi leni i ligi Meerinba nni mi ñima, i yianbonfuondi bolinma leni kuuran tuona soanma po.

Li tie yaa másienkààma tili n baa teni li báli máama n°024-2025/ALT yaama n den táa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba bi tuona n tie ya yaala n tie ban teni ba yaa tuonsoanba leni yaa ligi gobidima po mi ñima, i yianbonfuodi bolinma leni kuuran tuona soanma po.

Mi másienkààma tiluobili waani Bàaló tenma bi tuonsoanba, ti tiadi leni i ligi Meerinba nni u cógú, a tuona bààma, bi nipanba, mi tuonsoanbanma bangima leni ti máamàamáama cógú tuona soanma pó.

Li tie yaa másienkààma tili n baa teni li báli máama n°024-2025/ALT yaama n den táa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima po u cógú, a tuona bààma, bi nipanba, mi tuonsoanbanma bangima leni ti máamàamáama cógú tuona soanma po.

Mi másienkààma tileleeli waani Bàaló tenma bi tuonsoanba, ti tiadi leni i ligi Meerinba nni mi gaanilindima leni mi gaanilindima bonpiakaala kubima tuona po.

Li tie yaa másienkààma tili n baa teni li báli máama n°024-2025/ALT yaama n den taa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba bi tuona n tie ya yaala n tie ban teni ba yaa tuonsoanba leni yaa ligi gobidima po mi gaanilindima leni mi gaanilindima bonpiakaala kubima tuona nni.

Mi másienkààma tiniili waani Bàaló tenma bi tuonsoanba, ti tiadi leni i ligi Meerinba nni mu dààmú, li bonñuadikaala kuadima dààmú leni i yankodikaani nni tuona po.

Li tie yaa másienkààma tili n baa teni li báli máama n°024-2025/ALT yaama n den taa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima po mu dààmú, li bonñuadikaala kuadima dààmú leni i yankodikaani nni.

Mi másienkààma tiyiali waani Bàaló tenma bi tuonsoanba, ti tiadi leni i ligi Meerinba nni a kpiema boginma leni a kakula tuona po.

Li tie yaa másienkààma tili n baa teni li báli máama n°024-2025/ALT yaama n den taa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima a kpiema boginma leni a kakula tuona nni.

Mi másienkààma tipiiigili waani Bàaló tenma bi tuonsoanba, ti tiadi leni i ligi Meerinba nni a tinbuona ñanbima leni mi findimoanma tuona, li fuali kubibima tuona leni i dociami (i dopieni) ñanbima tuona po.

Li tie yaa másienkààma tili n baa teni li báli máama n°024-2025/ALT yaama n den táa li binli 2025 piiga n cilie dana 30 ki waani Meerinba gobidima po yaa báli máama n ye. Bi tuonsoanba, ti tiadi leni i ligi boagidima Bàaló leni Meerinba tuonsoandiedi nni baa ñoadi nani desiyonba leni Meerinba nni yaa tuona n gagidi ki tuuni.

Laa másienkààma tili baa teni ban ñanbi ki waani Meerinba tuona n tie ya yaala n tie ban teni ba yaa tuonsoanba leni yaa ligi gobidima po a tinbuona ñanbima leni mi findimoanma tuona, li fuali kubibima tuona leni i dociami (i dopieni) ñanbima tuona nni.

Mi másienkààma piiga n tiyenli tie Bàaló n tendi yaa tuonsoanba leni yaa ligi Meerinba nni bandigagidima tili táama pó.

Li tie yaa másienkààma tili n baa teni Bàaló n tendi yaa tuonsoanba leni yaa ligi Meerinba n yaa ñua nani yaa báli máama tili lanba n tie n°024-2025/ALT, ban den tàà yaama li binli 2025 piiga n cilie dana 30 ki waani Meerinba gobidima po yaa báli máama n ye.

Meerinba gobidima po yaa báli máama n ye bua ki ñanbi ki waani yaa puoga leni yaa kpajala n ye bi tuonsoanba po n baa yaa ñua màamà lan pugini Bàaló tuona boagidima gbamanu ki go cuani mi gobidimoanma kominninba nni.

Li tie yaa másienkààma tili n ñanbi ki doagidi Bàaló n tendi yaa tuonsoanba leni yaa ligi Meerinba bandigagidima tili, ki waani Bàaló leni kominninba puoga n tie ya bi tuonsoanba leni i ligi gobidima tuona nni.

Laa másienkààma tili tààma bàà teni ban bàà yaa tili n dagidi yaala n tie Bàaló n tendi kominninba yaa tuonsoanba gobidima po leni yaa ligi kubima po.

Mi másienkààma piiga n tilieli tuugi leni i dociami nni li tataansanceli biadi tuonsoanjaali (SOTARAKO) mábilikààma tila tùóma.

Li tie yaa másienkààma tili n baa teni i dociami nni li tataansanceli biadi tuonsoanjaali n báa bálímáatipaana li tuona cenli ñamu po.

I.2. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála Táánli tàà **másienkààma tiyenli** ke li tuugi leni ban den goa ki pegidi mi másienkààma tili yaali ke li lanba tie n°2025-0589/PRES/PM/MEF/MICA, li binli 2025, cimuu dana 20, ki tùó Bulicina Faso nni ti tiakuadikaadi tugikuanma tuonsoanjaali mábilikààma tila.

Laa goapegidima tie Bàaló tuonsonjaana Tááncianli mi piitaa n taabuanaama po n den táá yaa jaga. Li tie ki teni ti tiakuadikaadi tugikuanma tuonsoanjaali tuona boginma càgili n mààni ki tieni yaa táána n ñoadi nani ban den tieni laa tuonsoanjaali Tááncianli mi taabualeleema po, li binli 2023 ciluoba dana 23 ki táa yaa jágili, lani n tie ki teni ti tiakuadikaadi tugikuanma ti diema nni tuonsoanjaali tuona boginma càgili n yen tieni a táana taalimi taa po (03) li binli nni leni yaa koanbadiegu n die ti diema tinbuona gobidima leni a sancena tuona.

Laa másienkààma tili táàma baa teni Bulicina Faso nni ti tiakuadikaadi tugikuanma ti diema nni n bàà yaa báli máama tila n cààni ki fidi ki yaa tuuni li tuona ke li dagidi.

I.3. YAA KOANBADIEGU N DIE TI DIEMA LENI DIETOAMA SIIGA NANTAADI KANI.

A Koanbála Táánli tàà **tiwaankaana (04)**.

Li tiwaankakpiali tuugi leni Liban diema n tieni yaa miabu ki bua ki soani o tondo Bulikina Faso nni.

A Koanbála Táánli tùó ban dini li báli o púa **Magida KARAKI**, wan tua Liban diema tondo Bulicina Faso nni, o baa yaa ye Abija, Kodivuari diema nni.

Li tiwaankalieli tuugi leni Japon diema n tieni yaa miabu ki bua ki soani o tondo Bulicina Faso nni.

A Koanbála Táánli tùó ban dini li báli o joa **Takanari KAKUDA**, wan tua Japon diema tondo Bulicina Faso nni, o baa yaa ye Wagidigu.

Li tiwaankataali tuugi leni **ban bogini yaa másienkààma tili** ki luodi Bulicina Faso leni Kongo EDESE diema siiga danligu tuonsoandiebiga Kinsaasa dogu nni.

Bulicina Faso leni Kongo EDESE diema siiga danligu tuonsoandiebiga luodima Kinsaasa dogu nni bua ki pugini Bulicina Faso leni Kongo EDESE diema siiga danligu paalu leni ku danligu tuonsoandiedi Kongo diema nni lan todi ti diema ñantaadi kuanma leni ti diema niba yema ñamu Kongo diema nni.

Li pia ti diema niba boncianla yaaba n bààdi a tila tienma leni bi yienu pàka Kongo EDESE diema nni kelima Bulicina leni Kongo EDESE siiga danligu tuonsoandieciangu yaagu n ye Liberevili Gabon diema nni ki die Kongo EDESE, foagi leni Kongo EDESE. Ki sùà laa diema nni, Bulicina Faso baa fidi ki kuani i ligi u kpendu tuona nni ki bàà ti ñuadi boncianla.

Ki luodi ku danligu tuonsoandiebiga laa dogu nni baa todi Bulicina Faso leni Kongo EDESE siiga u juogu leni ku dalingu paalu n pugini ki go teni Bulicina

Faso niba yaaba n ye laa dolamu nni n yaa pia bi diema cele saliwudidiegu mààlima Kinsaasa dogu nni.

Laa másienkààma tili táama baa teni ban bàà ki luodi Bulicina Faso leni Kongo EDESE diema siiga danligu tuonsoandiebiga Kinsaasa dogu nni, Kongo EDESE diema nni ke li ñoadi nani yaa másienkààma tili lanba n tie n°2024-0453/PRES-TRANS/PM/MAECRBE/MEFP, ban den táa yaama li binli 2024 cinaa dana 17 ki waani Bulicina Faso leni i dolami danligu siiga tuonsoadiebila luodima po yaa báli máama n ye.

Li tiwaankanaali tuugi leni **ban den bogini yaa másienkààma tili** ki baa dini li báli niyendo wan tua Bulicina Faso leni Kongo EDESE danligu siiga tuonsoadiebiga Liigigiyua Kinsaasa dogu nni.

Laa másienkààma tili táama baa teni ban dini li báli ti tuonsoanlielo **Abeli ASUPIYU SURU**, wan tua Bulicina Faso leni Kongo EDESE danligu siiga tuonsoadiebiga Liigigiyua Kinsaasa dogu nni.

I.4. TI DIEMA NIBA TUONSOANBA KOANBADIEGU KANI

A Koanbála Táánli tàà **másienkààma tiyenli** ki waani yaa tuona n baa yaa ye Bulicina Faso nni.

Bi diidi ki sua ke yaa tuoncàgibuoli n ye nni li pia yaala n poadi kelima i tuonbuoli nni a tuotiamá guani ki naa leni aya ti koanbadiedi nni, a tuontiamá mo tie yenma ki náá pia a nannanli boncéli danba tuonsoanjaana nni. Lani yaapo, li pundi ban gagidi ki waani mi diema nni yaa tuona n baa ye mi diema tuonbuoli li tili nni.

Yaala n tugi yuli ki tie boncànla laa másienkààma tili nni tie :

- Piiga n tuoncàga muu (15) táánma tiyenli nni;
- ki lebidi mi diema nni a tuona táánma yaali n yi « Mi diema tuoncagibuoli tili » lin tua « Mi diema tuonbuoli tili »;

- ki bàà tuonli kuli po yaa dianbiga n baa tua li gagidima màalima nani lan den tie màamà hali li binli 2008 mi diema tuonbuoli yèla gagidima po lan teni tuonli kuli n yaa pia mi gagidima leni li yali i tuonbuoli tili nni.

Laa másienkàama tili táama baa teni Bulicina Faso nni i tuonbuoli gagidima tili n yaa ye lan todi ban fidi ki ñani mi diema po mi tuonsoanbangima tila yaa dagidi.

I.5. KU DIEGU YEMA LENI TORIYABA KOANBADIEGU KANI

A Koanbála Táánli tàà **tiwaankaali yenli** ke li tuugi leni laa koanbadiegu po ban gagidi yaa tuona soanma.

Laa tuongagidikaana tie yaa niba n sani bi dojaana kelima mi yebiadima po (PEDEYI) todima, yaaba n gáa laa niba cangu todima leni yaa niba n ye leni ku tadingu kuli todima. Li go tie ki teni yaa cagili n gáani tonma ti diema niba coagingu u nafanu yogunu ki go todi ba bi yema guarijamu pò (CONASIIRI) tuona boginma tila dianma tuonsoandiegu n diani ki kuani a masina nni ban bili yaala bi niba todima po.

Yaa tuongagidikaana n baa soani tie tuona piiga (10). Lani n tie:

- mi ñinjanma ponpicaana tienma yaa niba n sani bi dojaana mi yebiadima (PEDEYINBA) po, yaaba n gáa bi cangu po leni yaaba n guani ki kuni bi dojaacele nni po ;
- mi ñinjanma ponpicaana muu (05) tienma tuona goandima yá yàa kani ke bi baa ñanbi mi tinfanma bu kpaabu tuona po ki pugini leni ponpicaana muu (05) ñanbima yá yàa kani n ki pia tinfanma ñanbima yaa niba n sani ki ñani bi dojaana nni kelima mi yebiadima po (PEDEYINBA), yaa niba n ye leni ku tadidingu po leni yaa niba n guani ki kuni bi dojaacele nni po;
- yaa ponpicàana leni yaala n pugidi ki tieni PEDEYINBA leni yaa niba ye leni ku tadingu nni po ñanbima;

- li bonmààkaala tuonsoantiadi dààma PEDEYINBA leni yaa niba n ye leni ku tadingu po;
- magasenba suuli li bonjekaala leni tiatoadi bilima po ku diegu yema leni toriyaba koanbádiegu po;
- u bonfuodiñoagu puudima magasenba nni leni li bonbilikaala nni ku diegu yema leni toriyaba koanbádiegu po;
- Enterineti tuonsoantiadi dààma ku diegu yema leni toriyaba koanbádiegu po;
- Ti diedi niba todima bangikaani (SEFAFI) ṇanbima Kaligonden (Kadiogo porovenso nni) leni Joro desiyon nni ;
- Ti diedi niba todima bangikaani (SEFAFI) ṇanbima tuona goandima Kaligonden (Kadiogo porovenso nni) leni Joro desiyon nni;
- li sancenli tiadi dààma.

Laa tuona po yaa ligi n bua tie **miliyaari bonbilie leni miliyon bonbikobilele n piiluoba n tuda kobiga n piitaa n tuda taa n kobitaa n piitaa n kuumu luoba leni falini n bilie (2 760 139 336,2) Seefa ligi nni.**

Laa ligi baa ña Bàaló ligikpagu nni li binli 2026 tuonbogikaana soanma po.

I.6. YAA KOANBADIEGU N DIE TI BUUDI TUONA KANI

A Koanbála Táánli tàà **tiwaankaali yenli** ke li tuugi leni laa koanbadiegu po ban gagidi yaa tuona soanma.

Laa tuongagidikaana tie ki pugini ti kpaadidiedi leni bubuudidiedi paalu li guunli po, ki pugini ti yucela moandili li jeeguoli nni ki go wadi Bàaló n sùù yaa diena ligi a tuona soanma.

Laa tuona tie:

- Manga bubuudidieciangu maama (Nasino desiyon nni) ;

- ku kpaadidiegu maama Surigubila dogu nni (Ubiri desiyon nni);
- Wagidigu dogu nni ti bujiakaadi goabuuma bubuudidiegu maama (mi taabualiema tuona soanma po);
- Wagidigu dogu nni ti bujiakaadi goabuuma bubuudidiegu maama (kuuran tienma, mi kuugima masina tienma, mi fawaama bonfigikaadi, mi doma leni mi jiidima masina tienma tuona) mi taabualiema tuona soanma po;
- Wagidigu dogu nni ti bujiakaadi goabuuma bubuudidiegu maama (mi taabualiema tuona soanma po) tuona goandima.

Laa tuongagidikaana soanma po yaa ligi n bua tie **miliyaari piiga n yendo leni miliyon kobiga n piinii n bonbiluoba n tuda kobiga n piinii n tuda lie n kobilie n piiyia n kuumu muu (11 186 182 295) Seefa ligi nni.**

Laa ligi baa ña Bàaló ligikpagu nni li binli 2026 leni 2027 tuonbogikaana soanma po.

I.7. LI LAAFIALI KOANBADIEGU KANI

A Koanbála Táánli táá **tiwaankaana lie (02).**

Li tiwaankakpiali tuugi leni **ban bogini yaa másienkaama tili** ki tòó Faso Fuudi mábilikaama tila.

Laa másienkàama tili táama baa teni ban bàà Faso Fuudi pó yaa báli máaama tila n baa teni laa tuonsoanjaali n yaa tuuni li tuona ñama .

Li tiwaankalieli tuugi leni li laafiali koanbadiegu tuonbonginkaana ya n ye celi.

Laa tuonbonginkaana ya n ye celi yeni mayuli tie ki bogini lotodieciani yia (09) maama tuonbanma tila ; li yaa po bi baa taa yaa tuoncaga n baa soani laa tuona.

Laa tuonbonginkaana ya n ye celi yeni dunga baa tie **miliyaadi yendo (1 000 000 000) seefa ligi.**

Laa ligi baa ña baalo ligikpagu nni dunla binli 2026.

I.8. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA KANI

A Koanbála Táánli táá **masienkaama tila taa (03)**.

Mi másienkààma tikpiali tuugi leni ban bogindi yaa tuonli Bulicina Faso nni ki baa kuani nilo kuli laabaali a masina nni ki yuandi ki teni o maaliyenma yaama n baa todi ban gagidi yuakuli lan tie naakani kuli.

Ki fidi ki tieni yaala n diani mi balimaama n°027-2024/ALT tili nni ban den taa yaali li binli 2024 cipiiga 11 ki baa ñani maaliyenma nilo kuli gagidima po baa bua ban bogini ki diani mi niyoma a masina nni.

Mi masienkaama tili waani yaa caga n baa kali mi diema kaanjigi nni, desiyonba leni kominninba nni ke a tuonli tie ñan yaa gobidi mi niyoma dianma a masina nni tuona leni ban baa ñani yaa maaliyenma nilo kuli gagidima po Bulicina Faso nni.

Laa másienkaama tili tááma baa todi mi niyoma dianma a masina nni tuona gobidiñanma ke lan todi ban ñani maaliyenma nilo kuli gagidima po.

Mi másienkààma tilieli tuugi leni yaa tuonjaana n tuuni mi diema yema tilado po gagidima, a caligima leni a puóga.

Laa másienkaama tili bua ki tieni yaala n diani li bali maama tili nni n°014-2024/ALT ki tie ban den taa yaali li binli 2024 cilele dana 9 ki tuugi leni i laabaali guudima Bulicina Faso nni. Li baa pugini li guunli fiididiidima balimaama gbanmanu Bulicina Faso nni, ki gagidi ki go caligi yaa tuonjaana n tuuni mi diema yema tilado po.

Yaa tuonjaana n tuuni mi diema yema tilado po tie yaa tuonjaana n pia bonmaakaala, ban kaani yaala, ban siéni yaala , bi yaa tuonli n tie mi niyoma miana po tiladi bonla.

Laa tuonjaana tuugi leni kuuran, mi ñima, li laafiali, telefonni leni i laabaali tuonsoantiadi bi u loagu. A tie baalo yiénu po benjieloe.

Laa másienkaama tili táama baa teni tin baa mi balimaama yaama n doagidi cayin ki baa todi ban gagidi ki go caligi yaa tuonjaana n tuuni mi diema yema tilado po ke li tie yenma, ke ban fidi ki guudi a.

Mi másienkààma tilieli tuugi leni ti diema guudima laabaali fiididiidima tuona sanbila leni lan baa ɲoadi maama ban yen gandi yaaba n baa yaa fiidi ki diidi yaa tuonjaana n tuuni mi diema yema tilado po.

Laa másienkaama tili bua ki tieni yaala n diani li bali maama tili nni n°014-2024/ALT ki tie ban den taa yaali li binli 2024 cilele dana 9 ki tuugi leni i laabaali guudima Bulicina Faso nni. Laa balimaama bili ke li tie tilade yua baa yaa fiidi ki diidi kuli n baa li tili yaali n puni u sanu li tuonjaali yaali n goandi enterneti tuona kani.

Laa másienkaama tili táama baa teni tin pugini li guunli tuona fiididiidima balimaama gbanmanu ke lan todi tin guudi ti diema laabaali leni enterineti tuona bibiadima.

I.9. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A Koanbála Táánli táá **másienkaama tili yenli** yaali n waani yaa tiadi yaapo ke bi puni u sanu yogunuba po bi niba n yaa caa ki daa dotoe nni ki kuandi Bulicina bi ki ñandi laa tiadi bulicina nni ki ban kuadi ti dotoe nni.

Laa masienkaama tili mayuli tie ki pegidi mi masienkaama tili n°2018-0860/PRES/PM/MCIA/MINEFID yaali ke bi den taa li binli 2018 ciyia dana 12 ki li tie yaali n tuugi leni laa sanu paabu.

Yaala n cuani mi pegidima yeni tie ke li ɲani ban kuani tiatoadi li tili nni ke li yegi leni moala Gufenema n pia yaa nunlema li bontagikaala tuonsoandiedi po leni tin taa yaa jagili « ki baa yaa di tin tagi yaala » po.

Li boncanla tie ke bi kúani a bila kanbiali yoma, lacili (basi), a kokoda yoncagini, laa masienkaama tili nni mi daakuanma po ; ɲalikama yoma, ti caandi yoma, lacili leni a kokoda yoncagini mi kuadiñanma tiadi tili.

Laa masienkaama tili nni bi kubi li yeli « kudi leni yaala n kaa tie kudi boncàbi » ki ɲaa li yeli « kudi », ki fidi ki taani sinkáali, ti kumóandi leni baterinba boncàbi u sanu paabu tili nni. Li tie ki taani ban puni u sanu yaa tiadi kuli po tiyenli nni.

Laa másienkaama tili tááma baa teni ti tiadi yaadi yaa po ke bi puni u sanu yogunuba po ti bondaakuanma leni ti bonkuadiñanma coali n pugini . .

I.10. U BAADOGU MAAMA TUONA KOANBADIEGU KANI

A Koanbála Táánli táá **másienkaama tiyenli** ki tuo li tanmaali tuonciamanga bangima cogidieli ti diema nni mabilikaama tila.

Laa másienkaama tili goa ki pégidi mi másienkaama tili n°2018-0689/PRES/PM/MI/MINEFID, ban den taa yaali li binli 2018 cilele 31 ke li tie li tanmaali tuonciamanga bangima cogidieli ti diema nni mabilikaama tila.

Li boncanla yaala n tugi yuli lienni tie :

- kuuran leni mu tinmu piama gbima cua ki pugini li bonmaakagbengila, li sancenli, i dopieni ɲanbima leni a dieduankaana maama po ;
- li tanmaali banma lingima kaanu cilima leni li tuoma ;

- laa sanbili tuonsoandieciangu goaboginma.

Laa másienkaama tili tááma baa teni li tanmaali tuonciamangima cogidieli ti diema nni n baa a ticaana li mabilikaama po ki fidi ki yaa tuuni li tuona bonjanla.

I.11. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

A Koanbála Táánli táá **másienkaama tiyenli** ki ñani mi bancanma lingido yendo li tuonli nni ku tuonsoandiegu yaagu n tiendi mi lingima li laafiali sanbili nni kani.

Ti jakoandilielo WEDIRAWOGO pua Letisia NICIEMA, o lanba li tuonli nni tie 58 511 S, o tie mi bancanma lingido ku tuonsoandiegu yaagu n tiendi mi lingima li laafiali sanbili nni kani, o ñani o tuonsoankaanu hali li binli 2026, citaa dana 6 daali kaa go guani. Ba ke bi den tieni u kpaanu ki yedi ke wan goa, waa go lebidi ki guani ki cili o tuonli hali ke ban den bili o po dana piiga (10) ya cua ki pendí..

Mine másienkaama tili ñani laa daano li tuonli nni kelima o sani ki ñaa o tuonsoankaanu, ke li ñoadi leni yaala n ye mi másienkaama tili nni n°2015-1366/PRES-TRANS/PM/MESS/MRSI/MS/ MEF/MFPTSS ki tie ban den taa yaali li binli 2015 piiga n cilo dana 20 ke li bili u cuonu sanbila Iniverisite cogicanbaanba, ti lotoliti cogibigbenga cogicanbaanba leni a lingida po, li ya tie yua n sani ki ñaa bi ki yie ke o kan gedi o tuonsoankaanu.

Laa másienkaama tili tááma teni ke bi ñani ti jakoandilielo WEDIRAWOGO pua Letisia NICIEMA baalo tuonli nni, o lanba li tuonli nni tie 58 511 S, o tie mi bancanma lingido ku tuonsoandiegu yaagu n tiendi mi lingima li laafiali sanbili nni kani kelima o ñani o tuonsoankaanu hali li binli 2026, citaa dana 6 daali kaa go guani.

II. I LÀABÁALITENKE

II.1. Li Koanbágbengili, yua n die bu kpaabu, mi ñima, li yanwubili leni mi ñima nni bonpiakàala tuona puni a Koanbáli Táánli **làabáali lie (02)** :

- **u Cicilàabáalu** tuugi leni bu kpaabu, li yanwubili leni u jankpaanu findima tuona n cuoni màamà li binli 2023 ki gedi li binli 2025 nni.

Bu kpaabu, li yanwubili leni u jankpaanu findima tuona po ban den lingi yaala den tie ki teni li binli 2025 nni, Bulicina Faso n diedi o yùli li bonjekaala lingima nni, ki go luodi yaa tuona n moani bu kpaabu, li yanwubili leni u jankpaanu tuoncàga nni. Laa tuona soanma yegi leni mi diema Liigiyaaba n baa yaa nunlema ki baa teni bu kpaabu tuona n tua mi diema loagu findima ñiali.

Ban kuani yaala bu kpaabu, li yanwubili leni mi u jankpaanu findima tuona nni li binli 2023 ki gedi 2025 po, teni ke ku kpaangu pugini màamà ke li cine dáá bi kpa tieni, lani n tie ke li bua ki cie **tonninba miliyon 7** ki mibidi ban den sugini ki bàà kpaangu kobiga yuli po **124%**.

Yeni, bu kpaabu, li yanwubili leni u jankpaanu findima tuona n kuani yaala ke li tugi yuli tie :

- i muuli **tonni 1 008 737** li binli 2025 kpaabu po, lani n tie kobiga yuli po 101% ban den sugini ki kuani yaa kpaangu táanma li 2025 nni ;
- a kokoda **tonni 2 686 531**, lani n tie kobiga yuli po 134% ban den sugini ki kuani yaa kpaangu táanma ;
- ponmideteeri **tonni 51 818**, lani n tie kobiga yuli po 86,36% ban den sugini ki kuani yaa kpaangu táanma;
- i jami **tonni 58 476**, lani n tie kobiga yuli po 58,47%, ban den lingi yaala u jaankpaanu tuona nni ;
- mango tiipaani tilola **baabiciami (hekitaari) 3 170**, lani n tie kobiga yuli po de 63,4% ban den lingi yaala nni;

- **ti yanbidi puginma tiadi 30 631** a yanwubila po, lani n tie kobiga yula po 153,15% ban den lingi yaala nni ;
- mi fankokaama **baabiciami (hekitaari) 2 526** alikama tonni 9 806 kpaabu po;
- **baabiciami (hekitaari) 25 062** yankpakaani lie (02) fuali ñanbima po.

Ku kpaangu, li yanwubili leni u jankpaanu tuona nni yaala n kua ki pugini ki tááni mi diema nni yaa tuonsoanjaali n gobida ban biliti yaa bonjekaala mi jiema dagidima bi niba po (SONASESI), li bonjekaala tugiñama bi dààkuanma ti diema nni gobidima teni ke ku kpaangu, ti yandi leni i jami dunga ki pugini mu dààmuni.

Yaala n tie a tuona sani luodima po, bu kpaanbu, li yanwubili leni u jankpaanu findima tuona teni ke tuona **91 027** luodi ke laa tuona siiga tuona 26 202 n tie ya tuuni u yogunu kuli. Moko, laa tuona siiga, ya luodi bi púoba po tie tuona **32 009**, ya luodi yaa niba n sani ki ñani bi dojaana nni kelima mi yebiadima po (PEDEYINBA) mo tie tuona **4 724** ke tuona **289** mo luodi Yúcéli yanbuama jakoanda u báadogu koaguudima (VEDEPENBA) po.

Bu kpaanbu, li yanwubili leni u jankpaanu findima tuona gó teni ke u loagu tuona n kuani yaa bààli li binli nni (PEYIBE) ke li tuugi leni bu kpaabu tuona, pugini kobiga yuli po yaala n tie **12,13%** ki cili li binli 2023 ki gedi li binli 2025 yogunu, lani n bua ki yedi ke li mibidi ban den sugini màamà ke li cie kobiga yuli po 111,79%. I dansani nni, mi piama pugini ke li tie kobiga yuli po **4,3%**.

Tin bàà yaa puginma bu kpaabu, li yanwubili leni u jankpaanu findima tuona nni yegi leni Bàaló bebe n ñani yaa ligi yaala n pundi **miliyaari kobilie n piilele n bonbitaa leni miliyon kobiya n piyyia n bonbi taa n tuda piilie n tudiyenli n kobiluoba n piilie n kuumu yia (K 273 993 021 629) Seefa ligi nni.**

A Koanbala Táánli tuondi yaaba n todi ke bu kpaabu, li yanwubili leni u jankpaanu findima tuona cuoni nani ban den sugini màamà li binli 2023 ki gedi li binli 2025 nni.

- **u làabáalilielu** tuugi leni bu kpaabu, li yanwubili leni u jankpaanu findima tuona suagima li binli 2026 ki gedi li binli 2028 yogunu.

Bu kpaabu, li yanwubili leni u jankpaanu findima tuona li binli 2026 ki gedi li binli 2028 tááni mi ñima tuona leni bi niba yekaani ñamu puginma tuona. Laa tuona tuugi leni u loagu findima tuona sanbili mi diema nni (RELANSI) li binli 2026 ki gedi li binli 2030 yogunu.

Bu kpaabu, li yanwubili leni u jankpaanu findima tuona yà baa sòani moala ne yeni baa teni ban ñoadi ban bili yaa sanbila, ki suagi leni yaa tuoncàga n soani mi cilima po, ki pugini yaa tuona n baa todi bu kpaabu, li yanwubili leni u jankpaanu n bàa ki findi kuli.

Bu kpaabu, li yanwubili leni u jankpaanu findima tuona li binli 2026 ki gedi li binli 2028 tie :

- tuoncàgibuoli (08) yi tugi yuli, lani n tie : i muuli, mi nañanma, ghabila juoni (sosa), i ñée, a tiina, alikama, o tangunbo leni i sankpe luulebidima tuona;
- ki ñanbi ki pugini tuoncàgibuoli luoba (06) tuona, lani n tie: a kokoda, ponmideteeri, mango, tiyandi-nandi, i jami leni ti bonyugidi luulebidima tuona;
- ki findi tuoncàgibuo-paaniluoba (06), lani n tie: o bananni pulikoa, turinesoli, anana, a jakpawona, palimie leni kakawo luulebidima tuona;

Laa tuona kuli ya soani, bu kpaabu, li yanwubili leni u jankpaanu findima tuona li binli 2026 ki gedi li binli 2028 po, li baa teni li bonjekaala n pugini, ku kpaangu n pugini nani kobiga yuli po **40%** ke yaala n bi tie bi niba suginma ku kpaangu

nni mo pugini ki pendi kobiga yuli **120%**. Laa bonla baa fidi ki luodi tuona **125 000** bu kpaabu, li yanwubili leni u jankpaanu tuoncàga nni.

Yaa ligi n bua bu kpaabu, li yanwubili, mi ñima leni u jankpaanu findima tuona po li binbi 2026 ki gedi li binli 2028 tie **miliyaari 839,99 Seefa ligi nni**. Laa ligi baa ña Bàaló ligikpagu nni.

II.2. Li Koanbagbengili, yua n die ti diema tinbuona gobidima leni a sancena tuona puni a Koanbáli Táánli làabáaliyendu ke u tuugi leni ki taaga n mini màamà li binli 2026 ki cili cinaa dan 1 ki gedi o dana 30 daali.

Yaa tañima n jiidi li binli 2026 ki cili cinaa dan 1 ki gedi o dana 30 daali tie milimetiri 33 dana 10 siiga Aribinda po (Karo Peli) leni milimetiri 343 dana 17 siiga Bagasi (Balé) po.

Ki taaga n mini naani ñama ki cie tie Tannunyan, Bankuyi, Jôrô leni Giriko desiyonba nni.

Yaa kaani ke ki taaga ki mini boncianla tie Sunmi, Lipitaako, Yaadega, Kulisé leni Ubiri desiyonba.

Ki taaga n mini màamà li binli 2026 siagu po ki cili cinaa dan 1 ki gedi o dana 30 daali wa ki cie nani li binli 2025 siagu kan den mini màamà mi diema nni nintuali po tinbuona nni, àmá ki bua ki pendi kan den mini màamà li binli 2025 siagu po mi diema nni dapuoli po tinbuona nni.

Ti ya baa boagini li binli 1991 ki gedi 2020 siagu yogunu, ki taaga n mini màamà li binli 2026 ki cili cinaa dan 1 ki gedi o dana 30 daali wa ki cie mi diema tingbanu kuli nni. Àmá, yi kaantiami, ki taaga mini ke li yaba ki cie, lani n tie Nando, Bankuyi, Kulisé, Tapoa, Gulima, leni Siriba, Tannunyan leni Kadiogo desiyonba nni.

Li binli 2026, cilele, cinii leni ciyia ŋmaali nni, li naani nni ke ki taaga baa m̀ mi diema tingbanu kuli nni lan bua ki dagidi nani kan den mini màamà a bina 1991 ki gedi 2020 yogunu. Àmà, laa lenli yogunu u yialu baa tieni waamu Giriko, Tannunyan leni Jôrô desiyonba nni leni yaa kaani n ye nuganu po Nando, Nasinon, Nakanbé, Gulimu leni Tapoa desiyonba nni.

Li fidi u yialu n tieni boncianla mi diema nni yaa kaani n yabi. Bàá leni lankuli, Gulimu, Nakambé, Nasinon, leni Tapoa desiyonba nni leni yaa kaani n ye nuganu po Nando, Ubiri leni Siriba desiyonba nni, u yialu kan tadi ki waagi.

Li binli 2026 siagu po li naani nni ke ki taaga baa mi ki juodi mi diema nni i kaani boncianla.

II.3. Ku diegu yema leni toriyaba koanbáli puni a Koanbála Táánli làabáaliyendu ke u tuugi leni ban den tieni yaa boginli ki ñani a bila, a bicegikaana, yaa púoba n ñani a dojaana nni kelima mi yebiadima po leni yaa niba kuli n yen se Wagidigu dogu nni i sani nni ki miadi.

Li cicibogingili den tieni li binli 2026, ciluoba dana 24 ki gedi cilele dana 03 daali, ki teni ke bi fidi ki ñani niba 1 911 yaaba n miada a nitaana nni Wagidigu dogu nni ki gedini ba yaa tuonsoandiedi nni ke bi baa bàà mi todima.

Ban ñani yaa nilo kuli bi diani o yèli ki go biigi ki bandi o yema sienu màamà ke bi baa fidi ki tadi o. Yaa tuonsoandiedi n gáá laa niba kubi bà dana waamu leni u duankaanu, mi jiema, i yiani buuma, mi yantialebidima pegidima, ki todiba leni bi yema sienu tila bààma.

II.4. Yaa koanbáli n die ku gbanansaagu jeliti tuona, bi nipanba leni a tuona báama puni a Koanbála Táánli làabáaliyendu yu n tuugi leni ban gandi Bulicina Faso n gáa Afiriki nintuali dogi càgili B nni tigbananjeli yaadi n baa tieni li binli 2026, lani n tie a bonpola bálipoajeligu leni yaa bila n ki mibidi bina 17 balipuajeligu boginma.

Li tie ke Afiriki nintuali dogi balipuali jeliti tataáncàgili (IFOYA) B n gandi Bulicina Faso n gáá laa jeliciandi boginma.

Afiriki nintuali dogi càgili B bonpola bálipoajeligu baa tieni li binli 2026, cinii dana 23 ki gedi ciyia dana 05 daali.

Afiriki nintuali dogi càgili B bila yaaba n ki mibidi bina 17 yaa balipuajeligu mo baa cili li binli 2026 piiga n cilo dana 16 ki gedi o dana 29 daali.

Laa jeliti boginma baa pugini Bulicina Faso fidu yaala n tie ti gbananjeliti badi boginma li nandunli nni lan teni yaaba n todi mi diema a tuona nni n yaa pia ti dugidi ti diema po.

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

A. YAA KOANBADIEGU N DIE BU TOABU LENI U BAADOGU GUUDIMA TUONA KANI.

- Ti jakoandilielo Kana **KONATE**, o tie **Minteeligbeeli**, bi dini o li báli ke o tua li tuonboginkaali « **a jakoanda tuonsoantiadi kubili**» Liigiyua, ki lèbini lèni o bàli yaali n tie li bonmaakaala, ti toatiadi leni bu toabu tiatagikaadi tuonsoandiegu Yudanciamo.

B. YAA KOANBADIEGU N DIE MI DIEMA TINBUONA GOBIDIMA LENI A SANCENA TUONA KANI

- Ti jakoandilielo Rayimison Narisisi **WIBIGA**, o lanba li tuonli nni tie **105 209 V**, o tie a tinbuona gobidikoa , bi dini o li báli ke o tua ku koanbadiegu tuona yankpaagidaano bi niba guunli cogidiecianli (**ISEPEKI**) kani ;
- Ti jakoandilielo Sié Landiri Pasikali **WATARA**, o tie **Minteeligbeeli**, bi dini o li báli ke o tua li taataantuonli leni mi lingima tuona Yudaano bi niba guunli cogidiecianli kani;
- Ti jakoandilielo Miriama Miselini Kagoru **YAGO**, o tie **Minteeligbeeli**, bi dini o li báli ke o tua bi niba guunli cogidiecianli kani yaa tuonsondiegu n die i làabáali leni bi niba siiga tuginma Yudaano.

C. D. YAA KOANBADIEGU N DIE U LOAGU LENI I LIGI KUBIMA TUONA KANI

- Ti jakoandilielo Wensesilasi Médaari **PARE**, o lanba li tuonli nni tie **238 629 G**, o tie a lotodiena leni li laafiali tuona Gobidikoa, bi dini o li báli ke o tua ku lotodieciangu Yaligado **WEDIRAWOGO** tiakubilo ;
- Ti jakoandilielo Majioyogo Jan Mari **HEMA**, o lanba li tuonli nni tie **82 390 C**, o tie a lotodiena leni li laafiali tuona Gobidikoa, bi dini o li báli ke o tua Kudugu lotodieciangu tiakubilo.

D. YAA KOANBADIEGU N DIE TI DIEMA LENI DIETOAMA SIIGA DANTAADI KANI

- Ti jakoandilielo **NIANBA** pua Salamata Odeti /**KONGO**, o lanba li tuonli nni tie **104 412 P**, o tie diema leni mi yama tuginma tuona tundikoa, bi dini o li báli ke o tua li koanbali todikoa.

E. YAA KOANBADIEGU N DIE TI BUUDI TUONA KANI

- Ti jakoandilielo Adama **YEYE**, o lanba li tuonli nni tie **200 425 G**, o tie o nisaalo n pia yaa sani mi yema nni tuona tundikoa, bi dini o li báli ke o tuami diema nni bi niba n pia yaa sani mi yema nni càgili Tidianciamo;
- Ti jakoandilielo Isa **GUO**, o lanba li tuonli nni tie **130 493 L**, o tie Bujialo, bi dini o li báli ke o tua Bàaló bujialo;
- Ti jakoandilielo Matie **BASIE**, o lanba li tuonli nni tie **57 308 E**, o tie ti buudi saliwudo tidianla yudaano, bi dini o li báli ke o tua tuonsoandiegu laabaalitenma tuona Yudaano.

F. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA KANI

- Ti jakoandilielo Sié Makisimi **DA**, o lanba li tuonli nni tie **202 173 K**, o tie enterineti tuona bando, bi dini o li báli ke o tua 136 tuona soanma ligi Liigiyua ke o puogili tie « **yaala n taani ki tie mi gaaniilindima leni enterineti tuona lebidima** », ki lèbini leni o bàli yaali n tie enterineti tuona Yudanciamo.

G. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA KANI

- Ti jakoandilielo Giladisi Yabiré Sunita **KABORE**, o lanba li tuonli nni tie **386 322 R**, o tie li bonla kpaagitagima kuran tuonli nni bando bi dini o li báli ke o tua yaa tuonjaali n lebidi u yienu, mi ñima leni u faalu lan kpandi ki tua kuuran Yudaano;

- Ti jakoandilielo Isufu **SAWADOGO**, o lanba li tuonli nni tie **257 153 X**, o tie Baalo ligi tuonsoandiedi tuona gobidikoa, bi dini o li báli ke o tua li tuonjaali Faso Veenemi ligikubili tuona Yudaano.

H. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

- Ti jakoandilielo Dawuda Lawa Tan **TOWE**, o lanba li tuonli nni tie **394 865 Z**, o tie mi lingima cogibicanbaa, bi dini o li báli ke o tua mi diema tuonboginkaana a cogibigbenga cógú leni mi bancanma linginma tuona findima tuonsoandiegu Yudaano.

I. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA KANI

- Ti jakoandilielo Mohamadi **KOANDA**, o lanba li tuonli nni tie **308 431 H**, o tie li bonmaakaala tuona bandiciamo, bi dini o li báli ke o tua ku koanbadiegu tuona kpaagibandima, a diidima leni a soanma Yudaano Burkina Yîn-Wisgr-Meta (BYM) kani.

III.2. BAN DINI YAABA A BÁLA A TUONSOANJÀANA YELI PÒ

A Koanbála Táanli baa ban dini yaaba a bála a tuonjaana tuona boginma caga pò:

- mi diema kpenciami càgili (ANABA) yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona yèli nni;
- Bulicina Faso tiadakaadi kuama cagili yaa koanbadiegu n die u loagu leni i ligi kubima tuona yèli nni;
- Komowe sikiro tienma tuonsoanjaali « SOSIKO » leni Vivo Enersi au titre du ministère de l'Industrie, du commerce et de l'artisanat yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yèli nni;
- Faso Vêenemi tuonsoandiegu yaa koanbadiegu n diidi kuuran tuona leni ki tinga tugu nni piama tuona yèli nni;
- li tanmaali tuonciamma bangima cogidieli bulicina nni leni yaa tuonjaali n puuni i tundi i sani tienma leni a diegbenga maama i dociami nni (AKOMOD-BURKINA) u báadogu máama tuona koanbadiegu yèli nni;
- Bulicina Faso nni iniverisité cogidiegu leni interineti yaa koanbadiegu n die a cogibigbenga cógú leni mi bancanma linginma tuona;
- li tuonli báama tuonsoandiegu Bulicina nni (ABEPE) « Faso Tonlo Sayi » yaa koanbadiegu n die ku gbanansaagu jeliti tuona, bi nipanba leni a tuona báama yèli nni.

A Koanbála Táanli go suagi ki báa ban dini yaaba a bála ke bi tua mi diema kpenciami càgili (ANABA), Komowe sikiro tienma tuonsoanjaali (SOSIKO) leni Faso Vêenemi tuonsoandiegu tuona boginma caga gobidima Liiga yaaba

**A. YAA KOANBADIEGU N DIIDI BU KPAABU, MI ÑIMA, LI
YANWUBILI LENI MI ÑIMA NNI BONPIAKAALA TUONA KANI**

A Koanbála Táanli táa **masienkàama tila lie (02).**

Mi masienkàama tikpiali dini li bàli yaa niba yaa yela ɲua ne ke bi tua mi diema kpenciami cágili (ANABA) tuona boginma cagili Gobidikàaba, bi cici báli pò bina táa (03).

**YAABA N TUA A TUONA BOGINMA CAGA GOBIDIKÀABA BÀALÓ
YELI PÒ**

Yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona kani :

- Ti jakoandilielo Seyidu **SANA**, o lanba li tuonli nni tie **83 979 H**, o tie a dojaana tinfanma ɲanbima tuona bando ;
- Ti jakoandilielo Lunbana Béyatirisi **TINGERI**, o lanba li tuonli nni tie **270 959 H**, o tie li yanwubili tuona goandikoa.

Li guunli koanbadiegu kani :

- Ti jakoandilielo Kirsi Sayuba Eviradi **WEDIRAWOGO**, o lanba li tuonli nni tie **42 850 W**, o tie gadeforenba tuona Goandikaciamo.

Yaa koanbadiegu n die u loagu leni i ligi kubima tuona kani :

- Ti jakoandilielo Asonsi **SOMA**, o lanba li tuonli nni tie **212 283 U**, o tie mi lingima cogibicanbaa.

U báadogu máama tuona koanbadiegu kani :

- Ti jakoandilielo Néhuni **NIÑAN**, o lanba li tuonli nni tie **372 815 U**, o tie li kpaagibandili tuona tuonsoanlo.

Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani :

- Ti jakoandilielo Gawusu **KOBE**, o lanba li tuonli nni tie **247 183 D**, o tie u loagu tuona tundikoa.

YUA N TUA A TUONA BOGINMA CAGILI GOBIDIKOA MI DIEMA KPENCIAMI CAGILI TUONSOANBA YELI PO

- Ti jakoandilielo Patirisi **KONPAWORE**, o lanba li tuonli nni tie **231 644 D**, o tie mi ñima nni leni a dojaana tuonsoantiadi tagima tuona bandiciamo.

Mi masienkàama tilieli dini li bàli t ti jakoandilielo Seyidu **SANA**, o lanba li tuonli nni tie **83 979 H**, o tie a dojaana tinfaama ñanbima tuona bando, o tua mi diema kpenciami càgili (ANABA) tuona boginma cagili gobidima Liigiyua o cici bàli pò bina taa (03).

B. YAA KOANBADIEGU N DIE U LOAGU LENI I LIGI KUBIMA TUONA

A Koanbála Táanli taa **masienkàama tili yenli** ki dini li bàli ti jakoandilielo Danni Siteven Yijia **BESSEN**, o lanba li tuonli nni tie **250 001 C**, o tie ti tuonsoantiadi tagima tuona bando, o tua Bulicina Faso tiadakaadi kuama cagili tuona boginma cagili gobidikoa Bulicina Faso tiadakaadi kuama cagili tuonsoanba yèli nni , o cici bàli pò bina taa (03).

C. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbála Táanli taa **masienkàama tili taa** (03).

Mi masienkàama tikpiali dini li bàli yaa niba yaa yela n ñua ne ke bi tua Komowe sikiro tienma tuonsoanjaali (SOSIKO) tuona boginma cagili gobidikàaba bi cici bàli pò bina taa (03).

YAABA N TUA A TUONA BOGINMA CAGA GOBIDIKÀABA BÀALÓ YELI PÒ

Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani :

- Ti jakoandilielo Hadi Honoré **YUONLI**, o lanba li tuonli nni tie **97 521 K**, o tie u loagu kubima tuona bando ;
- Ti jakoandilielo **SONGO** pua Elisabeti /**SAWADOGO**, o lanba li tuonli nni tie **260 347 N**, o tie u loagu tuona tundikoa.

Yaa koanbadiegu n die u loagu leni i ligi kubima tuona kani :

- Ti jakoandilielo Issouf **TARAWORE**, o lanba li tuonli nni tie **212 558 H**, o tie u loagu leni mi findima tuona tundikoa.

Yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona kani :

- Ti jakoandilielo Haruna **TARAWORE**, o lanba li tuonli nni tie **91 989 F**, o tie Bàaló ligi tuonsoandiedi tuona gobidikoa.

Yaa koanbadiegu n die a cogibigbenga cógú leni mi bancanma linginma tuona kani :

- Ti jakoandilielo Tiguiane **YELEMU**, o lanba li tuonli nni tie **110 981 T**, o tie iniverisité cogibicanbaanciamo.

Mi diema niba tuonsoanba koanbadiegu kani :

- Ti jakoandilielo Birahima **TARAWORE**, o lanba li tuonli nni tie **416 295 V**, a tinbuona gobidikoa.

YUA N TUA A TUONA BOGINMA CAGILI GOBIDI KOA KOMOWE SIKIRO TIENMA TUONSOANJAALI (SOSIKO) YELI PÒ

- Ti jakoandilielo Dapugidi Olivie **CONBIANU**, o lanba li tuonli nni tie **69 78**, o tie bu kpaabu tuona bandiciamo.

Mi masienkàama tilieli dini li bàli ti jakoandilielo Hadi Honoré **YUONLI**, o lanba li tuonli nni tie **97 521 K**, o tie u loagu kubima tuona bando, o tua Komowe sikiro tienma tuonsoanjaali (SOSIKO) tuona boginma cagili Liigiyua o cici báli pò bina táa (03).

Mi masienkàama titaali dini li bàli ti jakoandilielo Sulemani **KABORE**, o lanba li tuonli nni tie **212 202 U**, o tie u loagu tuona tundikoa, o tua Vivo Enersi (yaala n den cili ki tie Bulicina Sel) tuona boginma cagili gobidikoa Bàalo yèli pò, yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yèli nni, o cici báli pò bina táa (03), ki tua ti jakoandilielo BUDA pua Managawendé Safiata WEDIRAWOGO lèbidu.

U BAADOGU MAAMA TUONA KOANBADIEGU

A Koanbála Táanli táa **masienkàama tili yenli** ki goa ki pandi ti jakoandilielo Lidoviki Teegiwendé **MINUNGU** bàli, o lanba li tuonli nni tie **212 293 E**, o tie a tinbuona ñanbima leni a koajaana findima tuona tundikoa, o tua li tanmaali tuonciana bangima cogidieli bulicina nni leni yaa tuonjaali n puuni i tundi i sani tienma leni a diegbenga maama i dociami nni (AKOMOD-BURKINA) tuona boginma cagili gobidikoa, Bàalo yèli pò, yaa koanbadiegu n die mi diema tinbuona gobidima leni a sancena tuona yèli nni, o bájuodikàali pò bina táa (03).

D. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

A Koanbála Táanli táa **masienkàama tila lie** (02).

Mi masienkàama tikpiali dini li bàli yaa niba yaa yela n ɲua ne ke bi tua Faso Vêenemi tuonsoandiegu tuona boginma cagili gobidikàaba Bàalo yèli pò, bi cici bàli pò bina táa (03).

Yaa koanbadiegu n diidi kuuran tuona leni ki tinga tugu nni piama tuona kani :

- Ti jakoandilielo Halidu **WEDIRAWOGO**, o lanba li tuonli nni tie **91 444 N**, o tie Bàaló ligi tuonsoandiedi tuona gobidikoa ;
- Ti jakoandilielo Kalili **KULIBALI**, o lanba li tuonli nni tie **222 184 N**, o tie li kpaagibandili tuona tuonsoanlo.

U báadogu máama tuona koanbadiegu kani :

- Ti jakoandilielo Ayisetu Rayimonde **NANEMA**, o lanba li tuonli nni tie **110 951 N**, o tie i dociami nni li bonmaakaala tuona bando

Yaa koanbadiegu n die u loagu leni i ligi kubima tuona kani :

- Ti jakoandilielo Aluuna **SANFO**, o lanba li tuonli nni tie **104 287 T**, o tie Bàaló ligi tuonsoandiedi tuona gobidikoa.

Yaa koanbadiegu n die mi diema tinbuona gobidima leni a sancena tuona kani :

- Ti jakoandilielo Lamini **KULIBALI**, o lanba li tuonli nni tie **200 292 E**, o tie a tinbuona gobidikoa.

Yaa koanbadiegu n die a cogibigbenga cógú leni mi bancanma linginma tuona kani :

- Ti jakoandilielo Abidulayi **KONPAWORE**, o lanba li tuonli nni tie **258 289 R**, o tie mi bancanma lingido.

Mi masienkàama tilieli dini li bàli ti jakoandilielo Halidu **WEDIRAWOGO**, o lanba li tuonli nni tie **91 444 N**, o tie Bàaló ligi tuonsoandiedi tuona gobidikoa, o tua Faso Vêenemi tuonsoandiegu tuona boginma cagili gobidima Yudaano o cici bàli pò bina táa (03).

E. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA

A Koanbála Táanli táa **masienkàama tili yenli** ki dini li bàli yaa niba yaa yela n ñua ne ke bi tua Bulicina Faso nni iniverisitè cogidiegu leni interineti tuona boginma cagili gobidikàaba, Bàalo yèli pò, bi cici bála pò bina táa (03).

Yaa koanbadiegu n die a cogibigbenga cógú leni mi bancanma linginma tuona kani :

- Ti jakoandilielo Baritélemi **KABORE**, o lanba li tuonli nni tie **279 972 H**, o tie mi lingima cogibicanbaa.

Yaa koanbadiegu n die i làabáali, ku maasuagu, i nii tagima leni yanluadi goada tuona kani :

- Ti jakoandilielo Jan Noweli **GIYENGANI**, o lanba li tuonli nni tie **359 020 B**, o tie mi laabaalitenma tuona tundikoa.

F. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA

A Koanbála Táanli táa **masienkàama tili yeni** ki dini li bàli ti jakoandilielo **SONBIRA** pua Résini Tulisida /**KONPAWORE**, o gaa o fuodima, o tua li tuonli báama tuonsoandiegu Bulicina nni (ABPE) « Faso Tonlo Sayi » tuona boginma cagili gobidikoa, Bulicina Faso yuceli tuonsoanba cagili yèli nni, o cici bàli pò bina táa (03).



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima